



中阿含經

籍

第三十

二百六十二  
興十

4938/



中阿含經卷第三十

策妄念誦

興

東晉剡賓三藏瞿曇僧伽提婆譯

大品行欲經第十

我聞如是一時佛遊舍衛國在勝林給孤獨園  
介時給孤獨居士往詣佛所稽首佛足却坐  
一面白曰世尊世中為有幾人行欲世尊

告曰居士世中凡有三人行欲云何為十

三居士有一行欲人非法無道求索財物彼

非法無道求財物已不自養安隱及父母妻

子奴婢作使亦不供養沙門梵志令昇上與

樂俱而受樂報生天長壽如是有一行欲人

也復次居士有一行欲人非法無道求索財



物彼非法無道求財物已能自養安隱及父  
母妻子奴婢作使而不供養沙門梵志今身  
上與樂俱而受樂報生天長壽如是有一行  
欲人也復次居士有一行欲人非法無道求  
索財物彼非法無道求財物已能自養安隱  
及父母妻子奴婢作使亦供養沙門梵志今  
身上與樂俱而受樂報生天長壽如是有一  
行欲人也復次居士有一行欲人法非法求  
索財物彼法非法求財物已不自養安隱及  
父母妻子奴婢作使亦不供養沙門梵志今  
身上與樂俱而受樂報生天長壽如是有一  
行欲人也復次居士有一行欲人法非法求

索財物彼法非法求財物已能自養安隱及  
父母妻子奴婢作使而不供養沙門梵志令  
昇上與樂俱而受樂報生天長壽如是有一  
行欲人也復次居士有一行欲人法非法求  
索財物彼法非法求財物已能自養安隱及  
父母妻子奴婢作使亦供養沙門梵志令昇

上與樂俱而受樂報生天長壽如是有一行  
欲人也復次居士有一行欲人如法以道求  
索財物彼如法以道求財物已不自養安隱  
及父母妻子奴婢作使亦不供養沙門梵志  
令昇上與樂俱而受樂報生天長壽如是有一  
行欲人也復次居士有一行欲人如法以

道求索財物彼如法以道求財物已能自養  
安隱及父母妻子奴婢作使而不供養沙門  
梵志今鼻上與樂俱而受樂報生天長壽如  
是有一行欲行人也復次居士有一行欲人  
如法以道求索財物彼如法以道求財物已  
能自養安隱及父母妻子奴婢作使亦供養  
沙門梵志今鼻上與樂俱而受樂報生天長  
壽得財物已染著縛繳繳已染著不見災患  
不知出要而用如是有一行欲人也復次居  
士有一行欲人如法以道求索財物彼如法  
以道求財物已能自養安隱及父母妻子奴  
婢作使亦供養沙門梵志今鼻上與樂俱而

受樂報生天長壽得財物已不染不著不縛  
不繳不繳已染著見災患知出要而用如是  
有一行欲人也居士若有一行欲人非法無  
道求索財物彼非法無道求財物已不自養  
安隱及父母妻子奴婢作使亦不供養沙門  
梵志令鼻上與樂俱而受樂報生天長壽者  
此行欲人於諸行欲人爲最下也居士若有  
一行欲人法非法求索財物彼法非法求財  
物已自養安隱及父母妻子奴婢作使亦供  
養沙門梵志令鼻上與樂俱而受樂報生天  
長壽者此行欲人於諸行欲人爲最上也居  
士若有一行欲人如法以道求索財物彼如

法以道求財物已自養安隱及父母妻子奴  
婢作使亦供養沙門梵志令昇上與樂俱而  
受樂報生天長壽得財物已不染不著不縛  
不繳不繳已染著見災患知出要而用者此  
行欲人於諸行欲人爲最第一最大最上最  
勝最尊爲最妙也猶如因牛有乳因乳有酪  
因酪有生酥因生酥有熟酥因熟酥有酥精  
酥精者爲最第一最大最上最勝最尊爲精  
妙也如是居士此行欲人於諸行欲人爲最  
第一最大最上最勝最尊爲最妙也於是世  
尊說此頌曰  
若非法求財 及法非法求 不供不自用



亦不施為福

二俱皆有惡

於行欲最下

若如法求財

自身勤所得

供他及自用

亦以施為福

二俱皆有德

於行最上欲

若得出要慧

行欲住在家

見灾患知足

節儉用財物

彼得出欲慧

於行欲最上

佛說如是給孤獨居士及諸比丘聞佛所說

歡喜奉行

行欲經第十竟

中阿含大品福田經第十一

第三念誦

我聞如是一時佛遊舍衛國在勝林給孤獨

園尔時給孤獨居士往詣佛所誓首佛足却

坐一面白曰世尊世中為有幾福田人世尊

告曰居士世中凡有二種福田人云何為二

一者學人二者無學人學人有十八無學人  
有九居士云何十八學人信行法行信解脫  
見到身證家家一種向須陀洹得須陀洹向  
斯陀含得斯陀含向阿那含得阿那含中般  
涅槃生般涅槃行般涅槃無行般涅槃上流  
色究竟是謂十八學人居士云何九無學人

思法昇進法不動法退法不退法護法護則  
不退不護則退實住法慧解脫俱解脫是謂  
九無學人於是世尊說此頌曰

世中學無學

可尊可奉敬

彼能正其身

口意亦復然

居士是良田

施彼得大福

佛說如是給孤獨居士及諸比丘聞佛所說

歡喜奉行

福田經第十一竟

中阿含大品優婆塞經第十二

第三念誦

我聞如是一時佛遊舍衛國在勝林給孤獨園。爾時給孤獨居士與大優婆塞衆五百人俱往詣尊者舍利子。所誓首作禮却坐。一面五百優婆塞亦爲作禮却坐。一面給孤獨居士及五百優婆塞坐一面已。尊者舍利子爲彼說法。勸發渴仰成就歡喜無量。方便爲彼說法。勸發渴仰成就歡喜已。即從坐起往詣佛所。誓首佛足却坐。一面尊者舍利子去後。不久給孤獨居士及五百優婆塞亦詣佛所。誓首佛足却坐。一面尊者舍利子及衆坐已。

定世尊告曰舍梨子若汝知白衣聖弟子善  
護行五法及得四增上心現法樂居易不難  
得舍梨子汝當記前聖弟子地獄盡畜生餓  
鬼及諸惡處亦盡得須陀洹不墮惡法定趣  
正覺極受七有天上人間七往來已而得苦  
邊舍梨子云何白衣聖弟子善護行五法白  
衣聖弟子者離殺斷殺棄捨刀杖有慙有愧  
有慈悲心饒益一切乃至蝼蜚垂彼於殺生淨  
除其心白衣聖弟子善護行此第一法復次  
舍梨子白衣聖弟子離不與取斷不與取與  
而後取樂於與取常好布施歡喜無恡不望  
其報不以偷所覆常自護庇彼於不與取淨

除其心白衣聖弟子善護行此第二法復次  
舍梨子白衣聖弟子離邪婬斷邪婬彼或有  
父所護或母所護或父母所護或兄弟所護  
或姊妹所護或婦父母所護或親親所護或  
同姓所護或爲他婦女有鞭罰恐怖及有名  
雇賃至華鬘親不犯如是女彼於邪婬淨除  
其心白衣聖弟子善護行此第三法復次舍  
梨子白衣聖弟子離妄言斷妄言真諦言樂  
真諦住真諦不移動一切可信不欺世間彼  
於妄言淨除其心白衣聖弟子善護行此第  
四法復次舍梨子白衣聖弟子離酒斷酒彼  
於飲酒淨除其心白衣聖弟子善護行此第

五法舍梨子白衣聖弟子云何得四增上心  
現法樂居易不難得白衣聖弟子念如來彼  
如來無所著等正覺明行成爲善逝世間解  
無上士道法御天人師号佛衆祐如是念如  
來已若有惡欲即便得滅心中有不善穢汗  
愁苦憂感亦復得滅白衣聖弟子攀緣如來  
心靖得喜若有惡欲即便得滅心中有不善  
穢汗愁苦憂感亦復得滅白衣聖弟子得第  
一增上心現法樂居易不難得復次舍梨子  
白衣聖弟子念法世尊善說法必至究竟無  
煩無熱常有不移動如是觀如是覺如是知  
如是念法已若有惡欲即便得滅心中有不

善穢汗愁苦憂感亦復得滅白衣聖弟子攀緣法心靖得喜若有惡欲即便得滅心中有不善穢汗愁苦憂感亦復得滅白衣聖弟子得此第二增上心復次舍利子白衣聖弟子念衆如來聖衆善趣正趣向法次法順行如法彼衆實有阿羅訶趣阿羅訶有阿那含趣阿那含有斯陀含趣斯陀含有須陀洹趣須陀洹是謂四雙八輩謂如來衆成就尸賴成就三昧成就般若成就解脫成就解脫知見可敬可重可供世良福田彼如是念如來衆若有惡欲即便得滅心中有不善穢汗愁苦憂感亦復得滅白衣聖弟子攀緣如來

衆心靖得喜若有惡欲即便得滅心中有不  
善穢汙愁苦憂感亦復得滅白衣聖弟子是  
謂得第三增上心現法樂居易不難得復次  
舍利子白衣聖弟子息念尸賴此尸賴不缺  
不穿無穢無濁住如地不虛妄聖所稱譽具  
善受持彼如是自念尸賴若有惡欲即便得  
滅心中有不善穢汙愁苦憂感亦復得滅白  
衣聖弟子攀緣尸賴心靖得喜若有惡欲即  
便得滅心中有不善穢汙愁苦憂感亦復得  
滅白衣聖弟子是謂得第四增上心現法樂  
居易不難得舍利子若涉知白衣聖弟子善  
護行此五法得此四增上心現法樂居易不



難得者舍梨子汝記蒟白衣聖弟子地獄盡  
畜生餓鬼及諸惡處亦盡得須陀洹不墮惡  
法定趣正覺極受七有天上人間七往來已  
而得苦邊於是世尊說此頌曰

慧者住在家

見地獄恐怖

因受持聖法

除去一切惡

不殺害衆生

知而能捨離

真諦不妄言

不盜他財物

自有婦知足

不樂求他妻

捨離斷飲酒

心亂狂癡本

常當念正覺

思惟諸善法

念衆觀尸賴

從是得歡喜

欲行其布施

當以望其福

先施於息心

如是成果報

我今說息心

舍梨子善聽

若有黑及白

赤色之與黃

老色愛樂色

牛及諸鴿鳥

隨彼所生處

良御牛在前

身力成具足

善速往來快

取彼之所能

莫以色為非

如是此人間

若有所生處

刹帝麗梵志

居士本工師

隨彼所生處

長老淨持戒

世無著善逝

施彼得大果

愚癡無所知

無慧無所聞

施彼得果少

無光無所照

若光有所照

有慧佛弟子

信向善逝者

根生善堅住

彼是生善處

如意往入家

最後得涅槃

如是各有緣

佛說如是尊者舍梨子及諸比丘給孤獨居

士五百優婆塞聞佛所說歡喜奉行

優婆塞經第十二竟

中阿含大品怨家經第十三

第三念誦

我聞如是一時佛遊舍衛國在勝林給孤獨園  
爾時世尊告諸比丘有七怨家法而作怨家  
謂男女輩瞋恚時來云何爲七怨家者不欲  
令怨家有好色所以者何怨家者不樂怨家  
有好色人有瞋恚習瞋恚瞋恚所覆心不捨  
瞋恚彼雖好沐浴名香塗身然色故惡所以  
者何因瞋恚所覆心不捨瞋恚故是謂第一  
怨家法而作怨家謂男女輩瞋恚時來復次  
怨家者不欲令怨家安隱眠所以者何怨家  
者不樂怨家安隱眠人有瞋恚習瞋恚瞋

恚所覆心不捨瞋恚彼雖卧以御牀敷以毳  
毼毼登覆以錦綺羅縠有擗體被兩頭安枕  
加陵伽波和羅波遮悉多羅那然故憂苦眠  
所以者何因瞋恚所覆心不捨瞋恚故是謂  
第二怨家法而作怨家謂男女輩瞋恚時來  
復次怨家者不欲令怨家得大利所以者何  
怨家者不樂怨家得大利人有瞋恚習瞋恚  
瞋恚所覆心不捨瞋恚彼應得利而不得利  
應不得利而得利彼此二法更互相違大得  
不利所以者何因瞋恚所覆心不捨瞋恚故  
是謂第三怨家法而作怨家謂男女輩瞋恚  
時來復次怨家者不欲令怨家有朋友所以

者何怨家者不樂怨家有朋友人有瞋恚習  
瞋恚瞋恚所覆心不捨瞋恚彼若有親朋友  
捨離避去所以者何因瞋恚所覆心不捨瞋  
恚故是謂第四怨家法而作怨家謂男女輩  
瞋恚時來復次怨家者不欲令怨家有稱譽  
所以者何怨家者不樂怨家有名稱人有瞋  
恚習瞋恚瞋恚所覆心不捨瞋恚彼惡名醜  
聲周聞諸方所以者何因瞋恚所覆心不捨  
瞋恚故是謂第五怨家法而作怨家謂男女  
輩瞋恚時來復次怨家者不欲令怨家極大  
富所以者何怨家者不樂怨家極大富人有  
瞋恚習瞋恚瞋恚所覆心不捨瞋恚彼作如

是身口意行使彼大失財物所以者何因瞋  
恚所覆心不捨瞋恚故是謂第六怨家法而  
作怨家謂男女輩瞋恚時來復次怨家者不  
欲令怨家身壞命終必至善處生於天上所  
以者何怨家者不樂怨家後至善處人有瞋  
恚習瞋恚瞋恚所覆心不捨瞋恚身口意惡  
行彼身口意惡行已身壞命終必至惡處生  
地獄中所以者何因瞋恚所覆心不捨瞋恚  
故是謂第七怨家法而作怨家謂男女輩瞋  
恚時來此七怨家法而作怨家謂男女輩瞋  
恚時來於是世尊說此頌曰  
瞋者得惡色  
眠卧苦不安  
應獲得大財

反更得不利

親親善朋友

遠離瞋恚人

數數習瞋恚

惡名流諸方

瞋作身口業

恚纏行意業

人為恚所覆

失一切財物

瞋恚生不利

瞋恚生心穢

恐怖生於內

人所不能覺

瞋者不知義

瞋者不曉法

無目盲闇塞

謂樂瞋恚人

恚初發惡色

猶火始起煙

從是生憎嫉

緣是謂人瞋

若瞋者所作

善行及不善

於後瞋恚止

煩熱如火燒

所謂煩熱業

及諸法所纏

彼彼我今說

汝等善心聽

瞋者逆害父

及於諸兄弟

亦殺姊與妹

瞋者多所殘

所生及長養

得見此世間

因彼得存命

此母瞋亦害

無着無慙愧

瞋纏無所言

人為恚所覆

口無所不說

造作癡罪業

而自夭其命

作時不自覺

因瞋生恐怖

繫著自己身

愛樂無極已

雖愛念己身

瞋者亦自害

以刀而自刺

或從巖自投

或以繩自絞

及服諸毒藥

如是像瞋恚

是死依於恚

彼彼一切斷

用慧能覺了

小小不善業

慧者了能除

當堪耐是行

欲令無惡色

無恚亦無憂

除煙無貢高

調御斷瞋恚

滅訖無有漏

佛說如是彼諸比丘聞佛所說歡喜奉行

怨家經第十三竟



中阿含大品教曇彌經第十四 第三念誦

我聞如是一時佛遊舍衛國在勝林給孤獨園  
爾時尊者曇彌爲生地尊長作佛告主爲人所宗  
凶暴急弊極爲麁惡罵詈責數於諸比丘因此故  
生地諸比丘皆捨離去不樂住此於是生地諸優婆塞  
見生地諸比丘皆捨離去不樂住此於是不樂住此  
便作是念此生地諸比丘以何意故皆捨離去不樂住  
此生地尊者曇彌土地尊長作佛告主爲人所宗凶暴  
急弊極爲麁惡罵詈責數於諸比丘因此故生地諸  
比丘皆捨離去不樂住此生地諸優婆塞見生地諸  
比丘皆捨離去不樂住此於是生地諸優婆塞見生地  
諸比丘皆捨離去不樂住此於是不樂住此便作是念  
此生地尊者曇彌土地尊長作佛告主爲人所宗凶暴  
急弊極爲麁惡罵詈責數於諸比丘因此故生地諸  
比丘皆捨離去不樂住此生地諸優婆塞見生地諸  
比丘皆捨離去不樂住此於是生地諸優婆塞見生地  
諸比丘皆捨離去不樂住此

所駢逐曇弥令出生地諸寺中去於是尊者  
曇弥爲生地諸優婆塞所驅令出生地諸寺  
中去即攝衣持鉢遊行往詣舍衛國展轉進  
至舍衛國住勝林給孤獨園於是尊者曇弥  
往詣佛所稽首佛足却坐一面白曰世尊我  
於生地諸優婆塞無所汙無所說無所犯然  
生地諸優婆塞橫駢逐我令出生地諸寺中  
去彼時世尊告曰止止曇弥何須說此尊者  
曇弥叉手向佛再白曰世尊我於生地諸優  
婆塞無所汙無所說無所犯然生地諸優婆  
塞橫驅逐我令出生地諸寺中去世尊亦再  
告曰曇弥往昔之時此閻浮洲有諸商人乘

船入海持視岸鷹行彼入大海不遠便放視  
岸鷹若視岸鷹得至大海岸者終不還船若  
視岸鷹不得至大海岸者便來還船如是曇  
彌爲生地優婆塞所驅逐令出生地諸寺故  
便還至我所止止曇彌何須復說此尊者曇  
彌復三白曰世尊我於生地諸優婆塞無所  
汗無所說無所犯然生地諸優婆塞橫驅逐  
我今出生地諸寺中去世尊亦復三告曰曇  
彌汝住沙門法爲生地諸優婆塞所驅逐今  
出生地諸寺耶於是尊者曇彌即從坐起叉  
手向佛白曰世尊云何沙門住沙門法世尊  
告曰曇彌昔時有人壽八万歲曇彌人壽八

不歲時此閻浮洲極大富樂多有人民村邑  
相近如鷄一飛曇弥人壽八萬歲時女年五  
百歲乃嫁曇弥人壽八萬歲時有如是病大  
便小便欲不食老曇弥人壽八萬歲時有王  
名高羅婆聰明智慧為轉輪王有四種軍整  
御天下如法法王成就七寶彼七寶者輪寶  
象寶馬寶珠寶寶女寶居士寶主兵臣寶是為  
七具足千子顏貌端正勇猛無畏能伏他衆  
故必統領此一切地乃至大海不以刀杖以  
法治化令得安隱曇弥高羅婆王有樹名菩  
住居拘類樹王曇弥善住居拘類樹王而有  
五枝第一枝者王所食及皇后第二枝者太

子食及諸臣第三枝者國人民食第四枝者  
沙門梵志食第五枝者禽獸所食曇彌善住  
尼拘類樹王果大如二斗瓶味如淳蜜丸曇  
彌善住尼拘類樹王果無有護者亦無更相  
偷有一人來飢渴極羸顏色憔悴欲得食果  
往至善住尼拘類樹王所飽噉果已毀折其  
枝持果歸去善住尼拘類樹王有一天依而  
居之彼作是念閻浮洲人異哉無恩無有反  
復所以者何從善住尼拘類樹王飽噉果已  
毀折其枝持果歸去寧令善住尼拘類樹王  
無果不生果善住尼拘類樹王即無果亦不  
生果復有一人來飢渴極羸顏色憔悴欲得

散果往詣善住尼拘類樹王所見善住尼拘  
類樹王無果亦不生果即便往詣高羅婆王  
所白曰天王當知善住尼拘類樹王無果亦  
不生果高羅婆王聞已猶如力士屈伸臂頃  
如是高羅婆王於拘樓瘦沒至三十三天任  
天帝釋前白曰拘翼當知善住尼拘類樹王  
無果亦不生果於是天帝釋及高羅婆王猶  
如力士屈伸臂頃如是天帝釋及高羅婆王  
於三十三天中沒至拘樓瘦去善住尼拘類  
樹王不遠任天帝釋作如其像如意足以如  
其像如意足化作大水暴風雨作大水暴風  
雨已善住尼拘類樹王拔根倒豎於是善住

居拘類樹王居止諸天因此故憂苦愁感啼  
泣垂淚在天帝釋前立天帝釋問曰天汝何  
意憂苦愁感啼泣垂淚在我前立耶彼天白  
曰拘翼當知大水暴風雨善住居拘類樹王  
拔根倒豎時天帝釋告彼樹天曰天汝樹天  
住樹天法大水暴風雨善住尼拘類樹王拔  
根倒豎耶樹天白曰拘翼去何樹天住樹天  
法耶天帝釋告曰天若使人欲得樹根持樹  
根去欲得樹莖樹枝樹葉樹華樹果持去樹  
天不應瞋恚不應憎嫉心不應恨樹天捨意  
而住樹王如是樹天住樹天法天復白曰拘  
翼我樹天不住樹天法從今日始樹天住樹

天法願善住。左拘類樹王還復如本。於是天  
帝釋作如其像。如意足作如其像。如意足已  
復化作大水。暴風雨化作大水。暴風雨已善  
住。尼拘類樹王即復如故。如是曇弥若有比  
丘罵者不罵。瞋者不瞋。破者不破。打者不打。  
如是曇弥沙門住沙門法。於是尊者曇弥即  
從坐起。偏袒著衣。叉手向佛。啼泣垂淚。白曰  
世尊。我非沙門。住沙門法。從今日始。沙門住  
沙門法。世尊告曰。曇弥。昔有大師名曰善眼。  
爲外道仙人之所師。宗捨離欲。愛得如意足。  
曇弥善眼大師有無量百千弟子。曇弥善眼  
大師爲諸弟子說梵世法。曇弥若善眼大師



爲說梵世法時諸弟子等有不具足奉行法  
者彼命終已或生四王天或生三十三天或  
生焰磨天或生兜率哆天或生化樂天或生  
他化樂天曇彌若善眼大師爲說梵世法時  
諸弟子等設有具足奉行法者彼修四梵室  
捨離於欲彼命終已得生梵天曇彌彼時善  
眼大師而作是念我不應與弟子等同俱至  
後世共生一處我今寧可更修增上慈修增  
上慈已命終得生是是天中曇彌彼時善眼  
大師則於後時更修增上慈修增上慈已命  
終得生是是天中曇彌善眼大師及諸弟子  
學道不虛得大果報如善眼大師如是牟梨

破群那阿羅那遮婆羅門瞿陀梨舍哆害提  
婆羅摩納儲提摩麗橋鞞陀羅及薩哆富樓  
奚哆曇弥七富樓奚哆師亦有無量百千弟  
子曇弥七富樓奚哆師爲諸弟子說梵世法  
若七富樓奚哆師爲說梵世法時諸弟子等  
有不具足奉行法者彼命終已或生四王天  
或生三十三天或生煩磨天或生兜率哆天  
或生化樂天或生他化樂天若七富樓奚哆  
師爲說梵世法時諸弟子等設有具足奉行  
法者彼修四梵室捨離於欲彼命終已得生  
梵天曇弥七富樓奚哆師而作是念我不應  
與弟子等同俱至後世共生一處我今寧可

更修增上慈修增上慈已命終得生晃昱天  
中曇弥彼時七富樓奚哆師則於後時更修  
增上慈修增上慈已命終得生晃昱天中曇  
弥七富樓奚哆師及諸弟子學道不虛得大  
果報曇弥若有罵彼七師及無量百千眷屬  
打破瞋恚責歟者必受無量罪若有一成就

正見佛弟子比丘得小果罵詈打破瞋恚責  
歟者此受罪多於彼是故曇弥汝等各各更  
迭相護所以者何離此過已更無有失於是  
世尊說此頌曰

須涅牟梨破羣那

阿羅那遮婆羅門

瞿陀梨舍哆

害提婆羅摩納

儲提摩麗橋鞞陀羅

薩哆富樓奚哆

此在過去世

七師有名德

無愛縛樂悲

欲結盡過去

彼有諸弟子

無量百千數

彼亦離欲結

須臾不究竟

若彼外仙人

善護行苦行

心中懷憎疾

罵者受罪多

若一得正見

佛子住小果

罵詈責打破

受罪多於彼

是故汝曇弥

各各更相護

所以更相護

重罪無過是

如是甚重苦

亦為聖所惡

必得受惡色

莫取邪見處

此是最下人

聖法之所說

謂未離婬欲

得微微五根

信精進念慧

正定及正觀

如是得此苦

前所受其殃

自受其殃已

於後便害他 若能自護者 彼為能護外

是故當自護 慧者無殃樂

佛說如是尊者曇弥及諸比丘聞佛所說歡

喜奉行 教曇弥經第十四竟

中阿含大品降魔經第十五 第三念誦

我聞如是一時佛遊婆奇瘦在鬪山怖林鹿

野園中尔時尊者大目捷連教授為佛而作

禪屋露地經行彼時魔王化作細形入尊者

大目捷連腹中於是尊者大目捷連即作是

念我今腹重猶如食豆我寧可入如其像定

以如其像定自觀其腹是時尊者大目捷連

至經行道頭敷尼師壇結加趺坐入如其像

定以其像定自觀其腹尊者大目捷連便知  
魔王在其腹中尊者大目捷連即從定覺語  
魔王曰汝波旬出汝波旬出莫觸媯如來亦  
莫觸媯如來弟子莫於長夜無義無饒益必  
生惡處受無量苦彼時魔王便作是念此沙  
門不見不知而作是說汝波旬出汝波旬出  
莫觸媯如來亦莫觸媯如來弟子莫於長夜  
無義無饒益必生惡處受無量苦汝之尊師  
有大如意足有大威德有大福祐有大威神  
彼猶不能速知速見况復弟子能知見耶尊  
者大目捷連復語魔王我復知汝意汝作是  
念此沙門不見不見而作是說汝波旬出汝

波旬出汝莫觸媯如來亦莫觸媯如來弟子  
莫於長夜無義無饒益必生惡處受無量苦  
汝之尊師有大如意足有大威德有大福祐  
有大威神彼猶不能如是速知速見況復弟  
子能知見耶彼魔波旬復作是念今此沙門  
知見我故而作是說耶於是魔波旬化作細  
形從口中出在尊者大目捷連前立尊者大  
目捷連告曰波旬昔有如來名覺礫拘荀大  
無所著等正覺我時作魔名曰惡我有妹名  
黑汝是彼子波旬因此事故汝是我外生波  
旬覺礫拘荀大如來無所著等正覺有二大  
弟子一者名音二者名想波旬以何義故尊

者音名音耶波旬尊者音住梵天上以常音  
聲滿千世界更無有弟子音聲與彼等者相  
似者勝者波旬以是義故尊者音名音也波  
旬復以何義尊者想名想耶波旬尊者想所  
依遊行村邑過夜平旦著衣持鉢入村乞食  
善護其身善攝諸根立於正念彼乞食已食

訖中後收舉衣鉢澡洗手足以尼師壇著於  
肩上至無事處或至山林樹下或至閑居靜  
處敷尼師壇結加趺坐速入想知滅定彼時  
若有放牛羊人取樵草人或行路人入彼山  
林人見入想知滅定便作是念今此沙門於  
無事處坐而命終我等寧可以燥樵草拾已



積聚覆其身上而耶維之即拾樵草積覆其  
身以火然之便捨而去彼尊者想過夜平日  
從定覺起抖擻衣服所依村邑遊行如常著  
衣持鉢入村乞食善護其身善攝諸根立於  
正念彼放牛羊人取樵草人或行路人入彼  
山林人先見者便作是已今此沙門在無事  
處坐而命終我等昨已拾燥樵草積覆其身  
以火燒之然已而去然此賢者更復想也波  
旬以是義故尊者想名想也波旬彼時惡魔  
便作是念此禿沙門以黑所縛斷種無子彼  
學禪伺增伺數數伺猶若如驢竟日負重繫  
在握上不得麥食爲彼麥故伺增伺數數伺

如是此秃沙門爲黑所縛斷種無子學禪伺  
增伺數數伺猶如貓子在鼠穴邊欲捕鼠故  
伺增伺數數伺如是此秃沙門爲黑所縛斷  
種無子彼學禪伺增伺數數伺猶如鴆狐在  
燥樵積間爲捕鼠故伺增伺數數伺如是此  
秃沙門爲黑所縛斷種無子學禪伺增伺數  
數伺猶如鶴鳥在水岸邊爲捕魚故伺增伺  
數數伺如是此秃沙門爲黑所縛斷種無子  
學禪伺增伺數數伺彼何所伺爲何義伺求  
何等伺彼調亂狂發敗壞我不知彼何所從  
來亦不知彼何所從去亦不知住止不知死  
不知生我寧可教勅梵志居士汝等共來罵

詈精進沙門打破責數所以者何或罵打破  
責數時儻能起惡心令我得其便波旬彼時  
惡魔便教勅梵志居士彼梵志居士罵詈精  
進沙門打破責數彼梵志居士或以木打或  
以石擲或以杖撻或傷精進沙門頭或烈壞  
衣或破應器尔時梵志居士若有死者因此  
緣此身壞命終必至惡處生地獄中彼生已  
作是念我應受此苦當復更受極苦過是所  
以者何以我等向精進沙門行惡行故波旬  
覺礫拘荀大如來無所著等正覺弟子用傷  
其頭烈壞其衣破其應器已往詣覺礫拘荀  
大如來無所著等正覺所尔時覺礫拘荀大

如來無所著等正覺無量百千眷屬圍遶而  
為說法覺礫拘荀大如來無所著等正覺遙  
見弟子頭傷衣裂鉢破而來見已告諸比丘  
汝等見不惡魔教勅梵志居士汝等共來罵  
詈精進沙門打破責數所以者何或罵打破  
責數時儻能起惡心令我得其便比丘汝等  
當以心與慈俱遍滿一方成就遊如是二三  
四方四維上下普周一切心與慈俱無結無  
怨無恚無諍極廣甚大無量善修遍滿一切  
世間成就遊如是悲喜心與捨俱無結無怨  
無恚無諍極廣甚大無量善修遍滿一切世  
間成就遊今惡魔求便不能得便波旬覺礫

拘荀大如來無所著等正覺以此教諸弟子  
彼即受教心與慈俱遍滿一方成就遊如是  
二三四方四維上下普周一切心與慈俱無  
結無怨無恚無諍極廣甚大無量善修遍滿  
一切世間成就遊如是悲喜心與捨俱無結  
無怨無恚無諍極廣甚大無量善修遍滿一

切世間成就遊以此故彼惡魔求便不能得  
便波旬彼時惡魔復作是念我以此事求精  
進沙門便而不能得我寧可教勅梵志居士  
汝等共來奉敬供養礼事精進沙門或以奉  
敬供養礼事精進沙門儻能起惡心令我得  
具便波旬彼梵志居士為惡魔所教勅已即

共奉敬供養礼事精進沙門以衣敷地而作  
是說精進沙門可於上行精進沙門難行而  
行令我長夜得利饒益安隱快樂梵志居士  
以髮布地而作是說精進沙門可於上行精  
進沙門難行而行令我長夜得利饒益安隱  
快樂梵志居士以手捧持種種飲食任道邊  
待而作是說精進沙門受是食是可持是去  
隨意所用令我長夜得利饒益安隱快樂諸  
信梵志居士見精進沙門敬心扶抱將入於  
內持種種財物與精進沙門作如是說受是  
用是可持是去隨意所用今時梵志居士若  
有死者因此緣此身壞命終必至善處生於

天上生已作是念我應受是樂當復更受極  
樂勝是所以者何以我等向精進沙門行善  
行故波旬覺礫拘荀大如來無所著等正覺  
弟子得奉敬供養礼事已往詣覺礫拘荀大  
如來無所著等正覺所是時覺礫拘荀大如  
來無所著等正覺無量百千眷屬圍遶而為  
說法覺礫拘荀大如來無所著等正覺遙見  
弟子得奉敬供養礼事而來見已告諸比丘  
汝等見不惡魔教勅梵志居士汝等共來奉  
敬供養礼事精進沙門或以奉敬供養礼事  
精進沙門儻能起惡心令我得其便比丘汝  
等當觀諸行無常觀興衰法觀無欲觀捨離

觀滅觀斷令惡魔求便而不能得波旬覺礫  
拘荀大如來無所著等正覺以此教教諸弟  
子彼即受教觀一切行無常觀興衰法觀無  
欲觀捨離觀滅觀斷令惡魔求便而不能得  
波旬彼時惡魔復作是念我以此事求精進  
沙門便而不能得我寧可化作年少形手執  
大杖住在道邊打尊者音頭令破血流面波  
旬覺礫拘荀大如來無所著等正覺於後所  
依村邑遊行彼於平旦著衣持鉢入村乞食  
尊者音在後侍從波旬今時惡魔化作年少  
形手執大杖住在道邊擊尊者音頭破血流  
面波旬尊者音破頭流血已隨從覺礫拘荀



大如來無所著等正覺後猶影不離波旬覺  
礫拘荀大如來無所著等正覺至村邑已極  
其身力右旋願視猶如龍視不恐不怖不驚  
不懼而觀諸方波旬覺礫拘荀大如來無所  
著等正覺見尊者音頭破血流于面隨佛後  
行如影不離便作是說此惡魔凶暴大有威  
力此惡魔不知馱足波旬覺礫拘荀大如來  
無所著等正覺說語未訖彼時惡魔便於彼  
處其身即墮無缺大地獄波旬此大地獄而  
有四名一者無缺二者百釘三者逸刺四者  
六更彼大地獄其中有卒往至惡魔所誥惡  
魔曰汝今當知若釘釘等共合者當知滿百

年於是魔波旬聞說此已即便心悸恐怖驚  
懼身毛皆豎向尊者大目捷連即說頌曰

云何彼地獄 惡魔昔在中 燒害佛梵行

及犯彼比丘

尊者大目捷連即時以偈答魔波旬曰

地獄名無缺 惡魔曾在中 燒害佛梵行

及犯彼比丘 彼鐵釘有百 一切各逆刺

地獄名無缺 惡魔昔在中 若有不知者

比丘佛弟子 必得如是苦 受黑業之報

若干種園觀 人者在於地 食自然粳米

居止在北洲 大須弥山巖 善修之所熏

修習於解脫 受持最後身 跣立在大泉

宮殿任至劫

金色可愛樂

猶火燼晃晃

作諸衆伎樂

往詣帝釋所

本以一屋舍

善覺了為施

若釋在前行

昇毗闍延殿

見釋大歡喜

天女各各舞

若見比丘來

還願有慙愧

若毗闍延殿

見比丘問義

大仙頗能知

愛盡得解脫

比丘即為答

問者如其義

拘翼我能知

愛盡得解脫

聞彼之所答

釋得歡喜樂

比丘多饒益

所說如其義

若毗闍延殿

問帝釋天王

此殿名何等

汝釋攝持城

釋答大仙人

名毗闍延哆

是謂千世界

於千世界中

無有勝此殿

如毗闍延哆

天王天帝釋

自在隨所遊  
毗闍延殿內  
足指能振動  
若鹿子母堂  
如意足能搖  
滑澤樂更觸  
天王常歡喜  
諸天來會聚  
及百諸那術  
聞彼所說法  
如仙人所說  
梵故有此見

受樂那遊哆  
釋得自在遊  
天王眼所觀  
築基極深堅  
彼有琉璃地  
布柔粟綿纏  
善能作伎樂  
而說須陀洹  
至三十三天  
歡喜而奉行  
謂至梵天上  
謂見昔時有

化作一行百  
毗闍延大殿  
釋得自在遊  
難動不可振  
聖人之所履  
愛語共和合  
音節善諧和  
若干無量千  
慧眼者說法  
我亦有是法  
問彼梵天事  
我住有常存

恒有不變易

梵天為答彼

大仙我無見

謂見昔時有

我恒常不變

我見此境界

諸梵皆過去

我今何由說

恒常不變易

我見此世間

正覺之所說

隨所因緣生

所往而轉還

火無有思念

我燒愚癡人

火然若愚觸

必自然得燒

如是汝波旬

觸燒於如來

久作不善行

受報亦當久

魔汝莫厭佛

莫燒害比丘

一比丘降魔

住在於怖林

彼鬼愁憂感

目連之所訶

恐怖無智慧

即於彼處沒

尊者大目捷連所說如是彼魔波旬聞尊者

大目捷連所說歡喜奉行

降魔經第十五竟

中阿含經卷第三十

第三念誦

興

記荊受下并列反也記也反 蝗虫上音昆微也 惛良反 僱

賃上音故 尫色上莫江反 雜正作 捩雜色也 僱

毳毼上音衢 禪下力也 毳毼上音白 塔下音 羅穀下

谷反 攬體上初刃反 友於小 絞古巧反

弊此祭反 塤鷹於陵岸字下 鴝一名鴝 鵲音胡

焦悴上自才醉反 晃昱上胡廣反 天名也 信音除

橋鞞下步責 噉下音 選徒結反

鼉山上音 觸媯下音 遶反 藥音 荀息倫 樵

草上自搖反 耶維此燒 抖揀上音 擻下音 舉動 物

草

上自搖反  
柴薪也

耶維

此六燒

抖揀

上音斗  
正作擻

舉動物

日

秃

他谷反

頭櫪

上音曆

猫

莫交反  
音苗捕

鼠

上音步  
詩与反

跖

立

直里反

立

謹儻  
朗他

非

悸

葵季反

築基

上音竹填

址也

綿緜

正下音厚

作禡



